



Promptvarivm Morale// Das ist// Sittliche Speißkam[m]er

darinnen heylsame Lehren/ Gott-//selig/ Christlich/ Catholische
Vnderweysungen/ von löblichen Sit-//ten vnd Tugenden/ wider allerley
Sünd vnd Laster/ vber die// Sontäglichen Euangelien deß gantzen Jars/
be-//griffen vnd verwahret:// Allen Predigern zum heylsamem Vnderricht/
den Sündern zur// ...

Sommertheyl

Stapleton, Thomas

Ingolstatt, 1597

VD16 S 8621

XII. Vnd diß erschall in dasselbige gantze Landt.

[urn:nbn:de:hbz:466:1-77815](https://nbn-resolving.org/urn:nbn:de:hbz:466:1-77815)

Auflegung des sechsten Theyls dieses Euangelij.

Vnd diß Gerücht erschall in dasselbig gang Land.



Ist ein Stell vnd Merckpuncten / bey dem man lehren soll / das man GOTTES Werck vnd Gutthaten / mit höherm Lob vnd Ehr preysen vnd loben solle. CHRISTVS zwar (wie bey dem Euangelisten Luca vermeldt wirdt) nach dem er das Meydlin von Todten aufferweckt /

Luca 8.

[hat den Eltern gebotten / das sie es niemandt sagten / was geschehen war: Igit vnd fürsettel allda ein Vnderweisung vnd Lehr / das wir zeitlich Ehr / Lob vnd Ruhm fliehen / vnd der Eitelkeit vnd allem Pracht / vns durchaus entschlagen sollen. Jedoch wie dem / so befindet sich doch allda bey dem Euangelisten Mattheo das das Geschrey dieses Miraculs vnd Wunders auffkommen vnd erschallen seye / den Namen CHRISTI vnd sein Lob durch dasselbig gang Land offenbar gemacht habe: darbey wir gelehrt werden / das wir anderer gute Werck / sonderlich die Gutthaten GOTTES gegen vns / vast preysen vnd loben / ja zu aller gegebner Gelegenheit / allenthalben außbreiten vnd verkündigen sollen.

Also der heylig Dauid / gedencket gar fleißiglich / verkündiget / außbreitet ganz vberflüssiglich mit höchstem Lob vnd Preis / in vln vñ mancherley Psalmen / die Gutthaten vnd Wunderwerck GOTTES / welche er den Vorfahren in Egypten / in der Wüsten / in dem Land Chanaan / auch die er ihme vberflüssig erzeyget hat: [Verkündiget / sagt er / alle seine Wunder.] Vnd von ihm selbst: [Ich will verkündigen deine Wunder.] Vnd widerumb: [Ich will deinen Namen ansagen meinen Brüdern.] Wie erumb in andern Psalmen: [Kompt her / höret zu alle die ihr GOTT fürchtet / ich will erzehlen was grosse Ding Er an meiner Seelen gethan hat.] Also auch Moyses hat seinen Verwandten alles erzehlet / was GOTT dem Volck gethan vnd erzeyget hätte. Ja es hat GOTT den Juden in Befelch geben / das sie die Wunder GOTTES vnd seine Gebott ihren Kindern vnd Nachkömmlingen verkündigen vnd anzeigen solten. Also auch der Engel Raphael zu dem Tobia: Lobet den GOTT des Himmels / vnd erzehlet alle seine Wunder. Die Heymlichkeit des Königs ist gut zu verzeihen: die Werck GOTTES aber öffnen vnd loben / ist den Menschen ehrlich.] Paulus vnd Barnabas / erzehleten in der Versammlung der Apostel vnd Eltisten / wie grosse Zeichen vnd Wunder Gotte durch sie gehon hätte vnder den Heyden.]

Pfal. 104.

Pfal. 9.

Pfal. 21.

Pfal. 65.

Exod. 3.

Deut. 9.

Tob. 12.

Actor. 15.

Daher auch in der Christlichen Catholischen Kirchen diser Gottseliger vnd heyligen Brauch vnd Gewonheit erwachsen vnd kommen / das die Martyrologia / das Leiden vnd Sterben der heyligen Martyrer / vnd derselbigen Wunderwerck / öffentlich in der Kirchen gelesen vnd erzehlet / dann auch durch gewisse hierzu verordnete Notarios in öffentlichen Kirchen Registern / Kammer vnd Kasten verwahret vnd außgehalten werden: welches die Römische Kirch jeder Zeit zum fleißigsten handgehabt vnd ein Aufsehen darauff gehabt hat: welches auch Augustinus / da es zu seiner Zeit vnd Distumb was hinläßiger beschah / von ihme / wie er schreibt / reformiert vnd verbessert seye worden. [Bey vnns (sagt er) hat diser Fleiß angefangen / das die Büchlein der jenigen / welche Gutthaten empfangen / vnder dem Volck gelesen werden.]

Concil. Car.

Cap. 4. Can. 47.

Cyprian. lib. 3.

Epist. 6.

De Ciuit. Dei

lib. 22. cap. 3.

Die Gesänger vnd Lieder Moyses / Maria seiner Schwester / Deborah / Esra / Ezechia / Anna / Judith / Tobia / Abacuc / Zacharia / Simeonis / vnd ja auch der seligsten Jungfrawen Maria / seyn anders nichts / dann Lobgesänger vnd Erzählung der Wunderthaten GOTTES / die vns zu seiner Göttlichen Liebe auffmuntern vnd anrechen sollen.